



ԳԱՐԵԳԻՆ Բ ԿԱԹՈՂԻԿՈՍՆ ՕՐՀՆԵՑ ՄԱՐՄԱՇՆԵՆԻ ՎԵՐԱՆՈՐԴՎԱԾ ԵԿԵՂԵՑԻՆ

Օգոստոսի 3-ին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսի ձեռամբ օրհնվեց Շիրակի թեմի Մարմաշեն գյուղի վերանորոգված եկեղեցին:

Մարմաշենի վանական համալիրը երեք փաճարների մի գեղեցիկ համադրությամբ է, 11-րդ դ. կառույց և պարկալանում է Անիի ճարտարապետական դպրոցին: Այն մեծապես վնասվել էր հատկապես 1988-ի երկրաշարժի հետևանքով: 1991 թ. իրավացի ճարտարապետներ Գայանե Կազնապին (մայրը՝ հայ) և Մարիա Միմոն ձեռնարկեցին վանքի վերանորոգության աշխատանքները: Հայ-իրավական վարպետների համալրել ջանքերով վերանորոգման աշխատանքներն ավարտվեցին Հայաստանում Իրալիայի դեսպանության հովանավորությամբ և Հայաստանի Հուշարձանների պահպանության վարչության օժանդակությամբ:

Արարողության սկզբում Իրալիայի դեսպանը, Գայանե Կազնապին, Հուշարձանների պահպանության վարչության փնօրեն Գագիկ Գյուրջյանը և ճարտարապետ Վարագդար Հարությունյանը հանգամանալից ներկայացրեցին եկեղեցու վերակառուցման աշխատանքների ընթացքը:

Այս Կեհափառ Հայրապետ իր օրհնությունն ու զնահադանքի խոսքը հղեց Իրալիայի դեսպանին, հանձին նրա՝ իրավացի ժողովրդին, վերնորոգության աշխատանքները նախաձեռնող և իրականացնող Գայանե Կազնապինին ու նրա աշխատակից ընկերներին, Հուշարձանների պահպանության վարչությանը և բոլոր նրանց, ովքեր աջակցել են այս աստվածահաճ ձեռնարկի իրականացմանը: Նորին Սրբությունը, անդրադառնալով հատկապես եկեղեցաշինության նշանակությանն ու կարևոր խորհրդին, նշեց. «Այս եկեղեցին մեզ համար միայն պարտական հուշակոթող չէ: Եկեղեցու նորոգությունը նշանակում է նորոգություն հավաքի, ժողովրդի, նորոգություն Աստված-մարդ խախտված հարաբերության: Այսօր մենք այս վերանորոգված հարաբերության ճանապարհի անդրանիկ ուխտավորներն ենք, որ եկել ենք աղոթքի կանգնելու այս նվիրական փաճարի կամարների ներքո, ուր փառավորվում է եղբայրությունը Իրալիո և հայ ժողովուրդների: Հոգևոր արժեքների վերանորոգումը, պահպանությունը և այն սերունդներին ավանդելը միայն բավարար չեն: Այդ արժեքները պետք է դառնան ապրող սերնդի կյանքի անբաժանելի մասնիկը, շաղախը նրանց կյանքի, գոյության ու լինելության»:

Արարողության վերջում Կեհափառ Հայրապետ իր օրհնությունը փվեց նաև նորապսակ Գայանե Կազնապինին ու նրա ամուսնուն: Նորին Սրբությանը ուղեկցում էին Տ. Փառեն եպս. Ավետիքյանը, Տ. Նավասարդ եպս. Կոնյանը, Տ. Միոն եպս. Ադամյանը, Տ. Գեղարդ աթղ. Վահունին, Շիրակի թեմի հոգևոր հայրեր: Արարողությանը ներկա էին բազմաթիվ հյուրեր, հավաքացյալներ:

ՄԱՅՐ ԱԹՈՒ Ս. ԷԶՄԻԱՇԵՆ
ՏԵՂԵԿԱՏՎԱԿԱՆ ՂԱՄԱԿԱՐԳ